

## SCRIPT OF EVENING GOJRI NEWS BULLETIN 3 JUNE 2025

1700HRS

اوئينگ گو جرى نيو ز بلیٹن مو رخه 3 جون 2025

\*\*\*\*\*

يوه آكا شوانى جموں بے نصرت تے اظہر حسین تين خبر سنو۔

\*\*\*\*\*

### HEADLINES

1. وزير اعظم نريندرا مودي 6 جون نانهه کٹره تين کٹره سرينگر ريل رابطه غو افتتاح کريں گا۔
2. جموں کشمیر مانهه لشکر طيه تے حزب المجاہدين تين تعليقات رکھن ور پوليس ابلکار سکول غا استاد سميت ترے سرکاري ملازم برو طرف کيا گيماں ہيں۔
3. ليقنيٹ گورنر منوج سنہانے ماتا کھير بھوانی مندر مانهه حاضری دے غے برادری تين اپنی وابستگی غو اعادہ کيو۔
4. پونچھه قبضه لکير غے نيرے گرایاں مانهه 60 تين مته گولان نانهه ناکارہ بنادتو گيو۔
5. آئي پي اي 15 2025 غو آخری مقابلو اج احمدabad مانهه راي چيلنجر بنگلورو تے پنجاب کنگر غے بشکار وے گو۔

\*\*\*\*\*

### PM INAGURATION

وزير اعظم نريندرا مودي 6 جون نانهه کٹره تين کٹره سرينگر ريل رابطه غو افتتاح کريں گا جھيڑو جموں کشمیر رابطه گو تاریخي لمحو وے غو اس موقع ور وزير اعظم دنيا غو سب تين اوچو ريل پل مشہور چناب پل وی قوم غنا وقف کريں غا۔ سماجي ذرائع ابلاغ ور مرکزی وزير ڈاکٹر جتندر سنگھ نے اس تقریب غی اطلاع دیتا وان کہيو کہ يوه پل نوا بھارت غی انجنئرینگ حوصلہ تے ترقیاتی نظریه غی شان بے اس موقع ور ممبر پارلیمان جوگل کشور شرمانے کہيو کہ يہ ترقی تے اتحاد غا ایک نوا دور غو آغاز بے انبان نے مزيد اس طرح کہيو۔

\*\*\*\*\*

### GOVT EMPLOYEES SACKED

دېشت گرد نیٹورک غے خلاف بڑی کاروائی مانهه اج ليقنيٹ گورنر منوج سنہانے ترے سرکاري ملازمان نانهه لشکر طيه تے حزبالمجاہدين مانهه مبينہ تعليقات ور بر طرف کردو بر طرف ہون آلان مانهه ایک پویس کانسٹیبل ایک سکول غو استاد تے ایک سرکاري میڈیکل کالج مانهه جونیر استینت شامل بے یے ترے اس وقت جيل مانہه بین ایک اعلى حفاظتی ابلکار غے مطابق یے ملازم دېشت گردی غی سرگرمیاں مانهه ملوث تھا جس مانهه بتهیاراں غی سمنگنگ دېشت گرداں نانهه سہولیت فرایم کرنو تے حفاظتی دستان نالے عام لوکاں ور حملان مانهه شامل تھا۔ يوه قدم جموں کشمیر مانهه دېشت گردی غا نظام غے خلاف حکومت غی صفر برداشت پالیسی نانهه ظابر کرے۔

\*\*\*\*\*

### LG KHEER BHAWANI

جييشتمي غا موقع ور ليقنيٹ گورنر منوج سنہانے گاندربل غا ٹل مل مانهه واقع نقدس مانا کھير بھوانی مندر غو دور و ليو تے امن خوشحالی تے سارا شہریاں غی بھلائی واسطے دعا کي ليقنيٹ گورنر نے اُت بڑی تعداد مانهه موجود عقیدت مندان تين گرم جوشی سنگ ملاقات کي يوه سالانہ تھوار جموں کشمیر غی مزبی تے ثقافتی روایت مانهه خاس اہمیت رکھے۔ ذرائع

ابلاغ سنگ گل کرتا وان ایل جی موصوف نے اس طرح کہیو۔ لیفٹینٹ گورنر نے لعل شوک غو دورو کیو جت انہیں نے مقامی تاجر ان تین ملاقات کی تے علاقہ مانہ سازگار تے مدد گار کارروباری ماحول نانہی یقینی بنان غا مرکزی حکومت غا عزم نانہی دوہرایو۔

KHEER BHAWANI

سالانہ کھیر بھوانی میلو منان واسطے اج بھوانی نگر جموں مانہے واقع ماتا کھیر بھوانی  
مندر مانہے عقیدت مندان غی ایک بڑی بھیڑ جمع ہوئی یوہ مندر دیوی را گنیا دیوی واسطے  
وقف بے تے خاص طور ور کشمیری پنڈت برادری واسطے مزبی اہمیت غو حامل ہے۔ اس  
موقع ور عقیدت مندان نے کھیر پیش کی تے مقامی انتظامیہ نے بڑی تعداد مانہے ٹرن اوٹ  
واسطے سخت حفاظتی تے ہموار انتظامات نانہے یقینی بنایو کھیر بھوانی میلو روایت غیا یک  
طاقدور علامت غا طور ور منیو جے تے خطہ جموں تے اس تین باہر غا یاتریاں نانہہ اپنی  
طرف عاگب کرے اس بارے گل کرتا وان ایک یاتری نے اپنو تاثرات اس طرح ظاہر کیو۔

## PROG ANNOUNCEMENT

بریجنل نیوز یونٹ آکاشوانی جمون عالمی ماحولیاتی تھاڑا غا موقع ور ایک خصوصی پروگرام پیش کرے غو۔ یہ خصوصی نشریات 5 جون 2025 نانہ سویرے 30:9 جے نشر کيو جے غو۔ اس پروگرام مانہہ مہمان خصوصی ویں گا پروفیسر یش پا شرما جبڑا جمون یونیورسٹی مانہہ لایف سائنس نساب غا ٹین بیں پروگرام غی میز بانی کریں غا مارا انکر شروتی کھجوریہ تے کنوال شریوٹسا ایسا ہور وی معلوماتی پروگرامان واسطے سُنتا رپبو آکاشوانی نیوز جمون میڈیم ویو 990 کلو ہٹر تے ایف ایم 100.3 میگا ہٹر۔

## UNEXPLoded SHELLS

ضلعل پونچه مانہے قبضه لکیر غرے نال نال اگلان گرایاں مانہے 60 توں زیادہ نہ پہن آلا گولہ  
نانہہ کامیابی سنگ بے اثر کیو گیو۔ ایک دفاعی ترجمان نے کہیو کہ ان گولان غو سرحدی  
علاقاں مانہے جان و مال غا تحفظ واسطے جاری کوششان گا ایک حصہ غا طور ور گہران  
چھجلا چلاس مینڈھر منکوٹ نے لور کرشا گھائی مانہے نکارہ بنایو گیو اس دوران فوج مقامی  
انتظامیہ سنگ قربی رابطہ نال کم کرربی بے واضح ره جے یہ گولہ 7 تے 10 مئی غرے درمیان  
پاکستان غی طرفون پھینکیه گیا تاہم نہ پٹھن آله گولان نانہہ منظم طریقہ سنگ بے اثر کیو  
جاریبیو ہے۔

VIKSIT KRISHI

زرعی شعوبه نانہ فروغ دین واسطے ایک بڑی پہل غا طور ور وکست کرشی سنکلپ  
ابھیان غرے زریعے کسانان نانہ زرعی سائنسدانان تے مختلف محکمان غا افسران غرے نال  
جڑن غو موقعو دتو جاربی وبے اس مہم غو مقصد کسانان مانہ جدید کھیتی غا طریقان سرکاری  
سکیماں تے پائیدار زرعی عمل تین متعلق بیداری پیدا کرنو ہے۔ جموں غا مختلف ضلعان مانہ  
کسان زرعی ماہرین تین براد راست ملاقات کر رہیا ہیں تے فوری رہنمائی حاصل کر رہیا ہیں  
اس تین کسانان تے زرعی اداراں غرے درمیان رشتہ مزید مضبوط ہو رہیو ہے آکاشوانی غا  
خبران آلہ شعوبہ سنگ گل کرتا وان ڈاکٹر پون کمار شرما جہیڑا پروفیسر تے سربراہ ہیں  
سکاٹ جموں گا انہیاں نے اس طرح کہیو۔

## EID NAMAZ TIMING

جموں کشمیر وقف بورڈ نے جموں ضلع مانہہ عید الاضحی غی نماز غا وقت غو اعلان کیو  
بے بورڈ غی طرفون جاری کرده ایک ٻدایت مانہہ کہیو گیو ہے کہ جموں مانہہ 7 جون  
2025 نانہہ ہون آلی عیدالاضحی غی نماز عینگاہاں تے مسجدان مانہہ مختلف اوقات غرے نال اد  
اکی جے غی. اس بارے مزید تفصیلات واسطے لوک آکاشوانی غا خبران آلا شعوبہ جموں  
غی ٹویٹر ہینڈل ور جانکاری حاصل کرسکیں۔

\*\*\*\*\*

## IPL CRICKET

آئی پی ایل 2025 غو فائنل مقابلو اج کھیڈیو جے غو جت رابیل چیانجیر بنگلورو تے پنجاب کنگر  
احمدآباد غا نریندر مودی سٹیڈیم مانہہ ایک دوجا گو آمنا سامنا کریں گا۔ میچ شام 30:7 جے  
شروع وے غو۔

\*\*\*\*\*

## BICYCLE RALLY

عالی بائساکل تھارو 2025 غا موقع ور ادھمپور ضلع انتظامیہ نے فٹ انڈیا مومنٹ تے نشہ  
مُکت بھارت ابھیان غے تحت ایک سائیکل ریلی گو انعقاد کیو ڈپٹی کمشنر ادھمپور سلوونی  
رائے نے ڈی سی دفتر کمپلیک توں ریلی نانہ جہنڈی دس غے روانہ کیو جس مانہہ عہد یداران  
طلباء تے مقامی سائیکلنگ گروپاں نے شرکت کی یہ ریلی شہر غا اہم علاقاں توں ہوتی ہوئی  
ڈیسی دفتر پیچ غے اختتام پزیر ہوئی۔ اس تقریب گو مقصد جسمانی تدرستی نانہہ فروغ دین  
تے منشیات غا استعمال غا بارا مانہہ اگاہی پھیلانو تھو اس بارے ڈی سی نے نوجواناں ور  
زور پایو کہ وے منشیات غے خلاف جنگ غی سربراہی کریں تے صحت مند طرز زندگی  
واسطے سائیکلنگ نانہہ اپنی حصو بناؤں اس موقع ور بولتا وان ڈپٹی کمشنر نے اس طرح  
کہیو۔

\*\*\*\*\*